

ACORDO ENTRE A XUNTA DE GALICIA E O CONSELLO GALEGO DOS PROCURADORES SOBRE A COMPENSACIÓN ECONÓMICA POLA ASISTENCIA XURÍDICA GRATUÍTA

Santiago de Compostela, 28 de decembro de 2021.

REUNIDOS

Dunha banda, **D. Alfonso Rueda Valenzuela**, vicepresidente primeiro e conselleiro de Presidencia, Xustiza e Turismo, actuando en nome e representación da Xunta de Galicia, en virtude do Decreto 112/2020, do 6 de setembro, polo que se nomean aos titulares dos departamentos da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia.

E doutra banda, **D. Fernando González-Concheiro Álvarez**, presidente do Consello Galego dos Procuradores, actuando no seu nome e representación, de acordo co artigo 2.1, dos estatutos do Consello Galego dos Procuradores dos Tribunais, aprobados polo Decreto 248/2000, do 29 de setembro, polo que se aproba a creación do Consello Galego de Procuradores.

EXPOÑEN

O artigo 24 da nosa Constitución garántelles a todas as persoas o dereito fundamental a obter un tutela efectiva dos xuíces e tribunais no exercicio dos seus dereitos e intereses lexítimos, así como á representación e defensa dos mesmos. Este dereito fundamental complementase co disposto no artigo 119 da carta magna, onde se establece que *a xustiza será gratuíta cando así o dispoña a lei, e, en todo caso, respecto de quen acredite insuficiencia de recursos para litigar*. En observancia deste básico dereito fundamental, no noso ordenamento xurídico existe regulamentado un sistema de indemnización económica, a cargo dos poderes públicos, para compensar a asistencia e representación gratuítas.

Polo que atinxe a esta materia, a Comunidade Autónoma de Galicia posúe plenas competencias, xa que a través do Real decreto 2166/1994, do 4 de novembro, fóronlle transferidos pola Administración do Estado os medios materiais e económicos para o funcionamento da Administración de xustiza,

entre os que se atopa o aboamento da compensación económica aos colexios de avogados e de procuradores dos tribunais polas actuacións dos seus colexiados no ámbito da asistencia xurídica gratuíta.

O 29 de novembro de 2017, a Xunta de Galicia e o Consello Galego dos Procuradores asinaron un Acordo coa finalidade de establecer o procedemento de actualización dos módulos e bases de compensación, con cargo aos fondos públicos, pola prestación dos servizos de representación gratuíta, para o período comprendido entre o 1 de outubro de 2017 e o 30 de setembro de 2021.

Unha vez rematado o período de vixencia do Acordo asinado o 29 de novembro de 2017, a Vicepresidencia Primeira e Consellería de Presidencia, Xustiza e Turismo e o Consello Galego dos Procuradores iniciaron un proceso de consultas con base no artigo 39 do Regulamento de asistencia xurídica gratuíta da Comunidade Autónoma de Galicia, que establece o procedemento de actualización dos módulos e bases de compensación, con cargo aos fondos públicos, pola prestación dos servizos de asistencia xurídica gratuíta.

Froito das ditas negociacións é o acordo reflectido no presente documento, que entrará en vigor no último trimestre de 2021 e terá unha vixencia ata o 30 de setembro de 2025.

Dado que a tramitación dos pagamentos aos colexios para indemnizar pola prestación dos servizos de representación gratuíta levado a cabo por procuradores se realiza a trimestre vencido tras a xustificación daqueles, a anualidade económica para os efectos deste acordo é a comprendida polo último trimestre dun ano e os tres primeiros trimestres do ano seguinte, de modo que o horizonte temporal do presente documento comprende catro destas anualidades.

Así, o acordo acolle nos tres primeiros anos de vixencia a suba que reflecte o anexo, para logo, para o período comprendido entre o 1 de outubro de 2024 e o 30 de setembro de 2025, actualizarse as cantidades mediante a aplicación da variación do índice galego de prezos ao consumo (IPC) do ano anterior.

En consecuencia, adóptanse os seguintes

ACORDOS

Primeiro. A Vicepresidencia Primeira e Consellería de Presidencia, Xustiza e Turismo, logo dos trámites que correspondan, realizará as actuacións precisas para:

- a) Establecer, con vixencia desde o 1 de outubro de 2021 e ata o 30 de setembro de 2024, os módulos e bases da indemnización polos servizos contidos no anexo deste instrumento.
- b) Os ditos módulos e bases actualizaranse conforme o IPC galego do ano 2023 na anualidade económica comprendida entre o 1 de outubro de 2024 e o 30 de setembro do ano 2025, data da finalización temporal deste acordo.

Segundo. Unha vez que remate o período de vixencia do presente Acordo, a Vicepresidencia Primeira e Consellería de Presidencia, Xustiza e Turismo abrirá un novo proceso de consultas coa procuradoría, a través das súas institucións colexiais, para a revisión e actualización dos módulos e bases de compensación, con cargo aos fondos públicos, pola prestación dos servizos de asistencia xurídica gratuíta.

De conformidade con canto antecede, subscriben o presente documento no lugar e coa data indicados.

O Vicepresidente Primeiro e Conselleiro de
Presidencia, Xustiza e Turismo

O presidente do Consello Galego dos
Procuradores,

Alfonso Rueda Valenzuela

Fernando González-Concheiro Álvarez

ANEXO
MÓDULOS E BASES DA INDEMNIZACIÓN POLO SERVIZO

Xurisdición penal		Módulos e bases de indemnización		
Código	Denominación	Dende o 1/10/2021 ata o 30/09/2022	Dende o 1/10/2022 ata o 30/09/2023	Dende o 1/10/2023 ata o 30/09/2024
101	Procedemento ante o xulgado de instrución en sumarios ou causas perante o tribunal do xurado	43,60 €	44,12 €	44,47 €
102	Intervención ante o xulgado de instrución en procedementos abreviados de especial complexidade (actuacións de máis de 1.000 folios) e en procedementos abreviados de violencia de xénero	53,20 €	66,81 €	75,89 €
103	Intervención ante o xulgado de instrución en procedementos abreviados	26,17 €	29,67 €	32,00 €
104	Intervención ante o xulgado de instrución en xuízos rápidos	32,21 €	33,22 €	33,90 €
105	Xuízo oral ante a audiencia provincial	29,97 €	32,69 €	34,50 €
106	Xuízo oral ante o xulgado do penal	29,33 €	31,66 €	33,22 €
107	Procedemento sobre delitos leves (*)	32,55 €	33,16 €	33,57 €
108	Recurso de apelación	36,61 €	36,61 €	36,61 €
109	Procedemento ante o xulgado de vixilancia penitenciaria (*)	30,51 €	30,51 €	30,51 €

Xurisdición civil				
Código	Denominación			
201	Procedemento ordinario	50,85 €	50,85 €	50,85 €

202	Xuízo verbal e procesos especiais nos que resulte preceptiva a intervención de procurador	40,68 €	40,68 €	40,68 €
203	Proceso familia contencioso (completo)	55,94 €	55,94 €	55,94 €
204	Proceso familia de mutuo acordo	40,68 €	40,68 €	40,68 €
205	Medidas provisionais previas e coetáneas en procesos de familia	26,85 €	30,76 €	33,36 €
206	Modificación de medidas definitivas en procesos de familia	52,89 €	52,89 €	52,89 €
208	Execución de títulos xudiciais con oposición ou posteriores a dous anos	36,60 €	36,60 €	36,60 €
209	Recurso de apelación tramitación ante a Instancia	21,36 €	21,36 €	21,36 €
210	Recurso de apelación tramitación ante a Audiencia	15,26 €	15,26 €	15,26 €
211	Execución de títulos non xudiciais	37,57 €	38,15 €	38,53 €
212	Xurisdición voluntaria cando a súa intervención resulte preceptiva	35,60 €	35,60 €	35,60 €

Xurisdición contencioso-administrativa

Código	Denominación			
301	Recurso contencioso-administrativo (*)	40,68 €	40,68 €	40,68 €
302	Recurso de apelación (*)	36,61 €	36,61 €	36,61 €

Xurisdición social

Código	Denominación			
401	Proceso da xurisdición social (*)	40,68 €	40,68 €	40,68 €
402	Recurso de suplicación (*)	36,61 €	36,61 €	36,61 €

Xurisdición militar

Código	Denominación			
501	Proceso íntegro	40,68 €	40,68 €	40,68 €

Recursos de casación e outros extraordinarios

Código	Denominación			
606	Recurso de casación e outros extraordinarios ante tribunais de Galicia	40,68 €	40,68 €	40,68 €

Normas Xerais

Código	Denominación			
701	Execución de sentenza posterior aos dous anos de recaída a resolución xudicial, agás a xurisdición civil	25,43 €	25,43 €	25,43 €
702	Medidas cautelares e dilixencias preliminares cando a súa intervención resulte preceptiva	20,34 €	20,34 €	20,34 €
703	Reconvención	30,00 €	30,00 €	30,00 €

() Cando a intervención do procurador sexa requirida expresamente pola autoridade xudicial de conformidade co artigo 6.3 da Lei 1/1996, de asistencia xurídica gratuíta*

Compensación aos colexios de procuradores por designacións excepcionais:

Naqueles supostos en que non fose posible a atención ordinaria da representación gratuíta por procuradores con despacho no propio partido xudicial compensarase anualmente ao colexio respectivo, a través do Consello Galego de Procuradores, na cantidade de 15 € por expediente -ata un máximo de 4.000 € anuais para todos os colexios-, polo desprazamento que supón a designación de procuradores doutro partido xudicial para garantir a prestación continuada do servizo.